

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA TATU**

**KIKAO CHA KUMI**

**02 MEI, 2016**



# ORODHA YA SHUGHULI ZA LEO

---

## MKUTANO WA TATU

**KIKAO CHA KUMI – TAREHE 02 MEI, 2016**

### **I. HATI ZA KUWASILISHA MEZANI:**

#### **WAZIRI WA KILIMO, MIFUGO NA UVUVI:**

Randama za Makadirio ya Mapato na Matumizi ya Wizara ya Kilimo, Mifugo na Uvuvi kwa Mwaka wa Fedha 2016/2017.

#### **WAZIRI WA NCHI, OFISI YA MAKAMU WA RAIS (MUUNGANO NA MAZINGIRA):**

Hotuba ya Bajeti ya Ofisi ya Makamu wa Rais (Muungano na Mazingira) kwa Mwaka wa Fedha 2016/2017.

#### **MWENYEKITI WA KAMATI YA KATIBA NA SHERIA:**

Taarifa ya Kamati ya Katiba na Sheria kuhusu Utekelezaji wa Majukumu ya Ofisi ya Makamu wa Rais (Muungano) kwa Mwaka wa Fedha 2015/2016 pamoja na maoni ya Kamati kuhusu Makadirio ya Mapato na Matumizi ya Ofisi hiyo kwa Mwaka wa Fedha 2016/2017.

## **MWENYEKITI WA KAMATI YA VIWANDA, BIASHARA NA MAZINGIRA:**

Taarifa ya Kamati ya Viwanda, Biashara na Mazingira kuhusu Utekelezaji wa Majukumu ya Ofisi ya Makamu wa Rais (Mazingira) kwa Mwaka wa Fedha 2015/2016 pamoja na maoni ya Kamati kuhusu Makadirio ya Mapato na Matumizi ya Ofisi hiyo kwa Mwaka wa Fedha 2016/2017.

## **MSEMAJI MKUU WA KAMBI YA UPINZANI KUHUSU OFISI YA MAKAMU WA RAIS (MUUNGANO):**

Taarifa ya Msemaji Mkuu wa Kambi ya Upinzani kuhusu Ofisi ya Makamu wa Rais (Muungano) juu ya Makadirio ya Mapato na Matumizi ya Ofisi hiyo kwa Mwaka wa Fedha 2016/2017.

## **MSEMAJI MKUU WA KAMBI YA UPINZANI KUHUSU OFISI YA MAKAMU WA RAIS (MUUNGANO NA MAZINGIRA):**

Taarifa ya Msemaji Mkuu wa Kambi ya Upinzani kuhusu Ofisi ya Makamu wa Rais (Muungano na Mazingira) juu ya Makadirio ya Mapato na Matumizi ya Ofisi hiyo kwa Mwaka wa Fedha 2016/2017.

## II. MASWALI:

### OFISI YA RAIS (TAMISEMI):

#### 72. MHESHIMIWA DKT. MARY MICHAEL NAGU (HANANG):

Atamuuliza Mheshimiwa Waziri wa Nchi, Ofisi ya Rais (TAMISEMI):- Afya ni Uhai, na ili kuhakikisha kwamba Wananchi wanapata Afya bora katika Wilaya ya Hanang:-

- (a) Je, ni lini Serikali itaziba upungufu wa Watumishi wa Afya katika Wilaya ya Hanang ambao wamefikia Watumishi 202 hadi sasa;
- (b) Je, ni lini Serikali itafungua duka la MSD na kuboresha vifaa tiba kwenye vituo vya Afya katika Wilaya ya Hanang;
- (c) Je, ni lini Serikali itajenga Wodi zaidi za kina mama na watoto katika Hospitali ya Wilaya ya TUMAINI iliyopo Hanang ili kupunguza msongamano katika wodi hizi.



**73. MHESHIMIWA KEMIREMBE JULIUS LWOTA  
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itapeleka X – Ray na CT – SCAN kwenye hospitali ya Sekou Toure Mkoani Mwanza.

**WIZARA YA FEDHA NA MIPANGO:**

**74. MHESHIMIWA AMINA NASSOR MAKILAGI  
(VITI MAALUM):**

Atamuuliza Mheshimiwa Waziri wa Fedha na Mipango:- Fedha za Miradi ya Maendeleo kutotolewa kwa wananchi kwa wakati jambo ambalo limekuwa likisababisha hasara na miradi ya maendeleo kuchelewa kukamilika:-

Je, Serikali imejipangaje kukabiliana na changamoto hiyo.

**WIZARA YA UJENZI, UCHUKUZI NA MAWASILIANO:**

**75. MHESHIMIWA MARWA RYOBA CHACHA (SERENGETI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Wilaya ya Serengeti ni Wilaya yenye mbuga kubwa ya wanyama inayotambulika duniani na kupokea watalii wengi, lakini imekuwa kama kisiwa kwa kusahaulika kuunganishwa na barabara ya lami itokayo makutano ya Musoma mpaka Mto wa Mbu:-

- Je, ni lini barabara ya lami ya Musoma Mugumu mpaka Mto wa Mbu itakamilika.

**WIZARA YA ULINZI NA JESHI LA KUJENGA TAIFA:**

**76. MHESHIMIWA ESTHER NICHOLAS MATIKO (TARIME MJINI):**

Atamuuliza Mheshimiwa Waziri wa Ulinzi na Jeshi la Kujenga Taifa:- Serikali ina mamlaka ya kutwaa ardhi na kubadilisha matumizi na kwa kufanya hivyo Serikali inawajibika kusimamia na kuhakikisha Wananchi wanaopisha matumizi mapya ya ardhi

wanalipwa fidia stahiki ikiwa ni pamoja na kuwapa maeneo mbadala ili kuweza kuendeleza shughuli zao:-

Je, ni kwa nini Serikali imeshindwa kuwalipa fidia Wananchi wa Kata za Nyamisangura na Nkende waliopo Halmashauri ya Mji wa Tarime ambao ardhi yao ilichukuliwa na Jeshi la Wananchi wa Tanzania (JWTZ) tangu Mwaka 2007.

**WIZARA YA NISHATI NA MADINI:**

**77. MHESHIMIWA MARY PIUS CHATANDA  
(KOROGWE MJINI):**

Atamuuliza Mheshimiwa Waziri wa Nishati na Madini:- Umeme katika Mji wa Korogwe uliingia miaka 50 iliyopita ukitokea kwenye mitambo ya kuzalisha umeme iliyopo mji wa Hale Km 30 toka mji wa Korogwe, umeme huo ulikusudiwa kupelekwa kwenye mashamba makubwa ya Mkonge na Chai na ili kuupata umeme huo kwa mji huo ilibidi upite kwenye mashamba ya Mkonge Magunda, Kwashemshi na kwenda kwenye mashamba ya Chai ya Ambangulu na Dindira:-

Je, Serikali haioni ni wakati muafaka Mji wa Korogwe na viunga vyake kuunganishwa na Gridi ya Taifa.



**78. MHESHIMIWA HASSAN ELIAS MASALA  
(NACHINGWEA):**

Atamuuliza Mheshimiwa Waziri wa Nishati na Madini:- Kwa muda mrefu kumekuwa na zoezi la utafiti katika Kata ya Nditi Wilayani Nachingwea linalofanywa na kampuni tofauti:-

- (a) Je, nini hatma ya utafiti huo wa muda mrefu ambao unaleta mashaka kwa Wananchi wanaozunguka maeneo hayo;
- (b) Je, Wananchi wa maeneo jirani wanaweza kuruhusiwa kufanya shughuli za uchimbaji mdogo ili waweze kunufaika badala ya kuwa walinzi na vibarua;
- (c) Je, Serikali ina mpango gani wa kuleta watafiti zaidi katika maeneo mengine ya Wilaya hizo kama Kiegei, Marambo, Nditi n.k.

**WIZARA YA AFYA, MAENDELEO YA JAMII,  
JINSIA, WAZEE NA WATOTO:**

**79. MHESHIMIWA RASHID ALI ABDALLAH  
(TUMBE):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Ni jambo la kusikitisha sana kwa wananchi wanaosumbuliwa na saratani



kuchelewa kupatiwa huduma katika hospitali ya Ocean Road:-

Je, Serikali inalifahamu jambo hilo na inachukua hatua gani dhidi ya tatizo hilo.

**80. MHESHIMIWA MARIA NDILLA KANGOYE (VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Tanzania kuna mashirika makubwa yasiyo ya kiserikali ambayo yanaisaidia sana Serikali katika kuwahudumia Wananchi hasa wanawake misaada ya kisheria mfano wa mashirika haya TGNP, LHRC, WALDAF, TAWLA, lakini yanafanya kazi kwa kutegemea ufadhili wa wahisani kutoka nchi za nje:-

- (a) Je, ni lini Serikali itatenga asilimia kidogo ya pato lake kuyapatia ruzuku mashirika haya kama Serikali inavyotoa ruzuku kwa vyama vya siasa;
- (b) Je, ni lini Serikali itayahamasisha mashirika na makampuni ya ndani nayo kuona umuhimu wa kuingia nayo mikataba ya ushirikiano ili kutoa huduma kwa kiwango kikubwa zaidi.

## **WIZARA YA MAMBO YA NDANI YA NCHI:**

### **81. MHESHIMIWA ALLY KEISSY MOHAMED (NKASI KASKAZINI):**

Atamuuliza Mheshimiwa Waziri wa Mambo ya Ndani ya Nchi:- Kituo cha Polisi cha Merine Kipili hakina usafiri wa nchi kavu:-

(a) Je, ni lini Serikali itakisaidia kituo hicho usafiri wa nchi kavu angalau hata kukipatia pikipiki;

(b) Je, ni lini Serikali itaongeza mgao wa petrol.

### **82. MHESHIMIWA ENG. ATASHASTA JUSTUS NDITIYE (MUHAMBWE):**

Atamuuliza Mheshimiwa Waziri wa Mambo ya Ndani ya Nchi:-

Je, Serikali ina mkakati gani wa makusudi wa kuwadhibiti wakimbizi hasa Maaskari ambao hutoroka kambini Nduta na kwenda kujumuika na Wananchi hivyo kuhatarisha usalama wa Wananchi.

**III. HOJA ZA SERIKALI:**

**WAZIRI WA NCHI, OFISI YA MAKAMU WA RAIS  
(MUUNGANO NA MAZINGIRA):**

Kwamba, Bunge sasa likubali kupitisha Makadirio ya Mapato na Matumizi ya Ofisi ya Makamu wa Rais (Muungano na Mazingira) kwa Mwaka wa Fedha 2016/2017.



**DODOMA  
02 MEI, 2016**

**DKT. T. D. KASHILILAH  
KATIBU WA BUNGE**

